



Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Tycho Episc. 16. Iunii.

urn:nbn:de:hbz:466:1-44055

6.Iunii VITÆ SANCTORVM. 299
humanae pericula, cogita fragilitatem propriam; & ejus-
modi cogitatione, si perseveraveris, parum senties quic-
quid foris videtur molestum. S.Bern.serm.de om.SS.

S. TYCHO EPISC. 16.Iunii.

Damus Euclionibus mancipiis pecuniæ rei
augendæ magistrum doctoremq; gratissimæ
artis, quâ granaria frumento stipentur, numusque
in arcâ crescat. T Y C H O is est, ætate puer, sed cano
sensu, avari parentis filius, multò tamen peritior
pecuniariæ venationis. quod vel hinc intelligas.
Pater oneratum panibus in forum miserat: puer
indignatus unciarium quæstum iis venditis redi-
turum, è merce stipem facit, eamque in obvios
pauperes effundit. Patri æs reposcenti artificium
suum aperit; panes apud Christum in fœnore po-
sitos, & quidem centuplicato. eam in rem se syn-
grapham accepisse. Pater nulli rei præterquam
oculis suis crediturus, puerilis fidei experimen-
tum in horreis quæsivit: & ecce tibi quæ pridie
vacuefecerat, importatum divinitus frumentum
agrè ceperunt. Eâdem facilitate cellas replevit.
Aridum vitis surculum. & pridem exsuccum humi
depanxit, neque vitam illi modò, & germinandi
vim, sed perpetui etiam gloriam miraculi contu-
lit. Unus enim ille palmes, quo die anniversaria
TYCHONIS memoria peragit, sub initium rei
divinae lientes uvas ostentabat, quæ ante sacrifici-
um finitum ad maturitatem percoquerentur,
præcocem suo satori vindemiam præbituræ. Quid
ad hæc avari? In scholâ Pluti negant recepra esse
paradoxa Christi. Ex Meneis.

Quid vereris fluxum & fragile bonum facere sem-
piternum? aut thesauros tuos custodi Deo credere? ubi

300 VITÆ SANCTORVM. 16. Junii.
non furem prædonemq; iameas, non rubiginem, non iyy-
ramnum : qui apud Deum dives est, pauper esse nun-
quam potest. Laetant. in Epit. Instit. c. 12.

SS. QUIRICUS & JULITTA MM.
16. Iunii.

Datur optio; exempla Christianæ fortitudinis
à trienni puer, an feminâ malis petere: hujus
sextûs, illius ætas convitum facient ignaviæ tuæ,
si detrectas vel desperas sequi hos duces; & audies
sanè quod olim Augustinus: *An non potes quod iste
& ista?* Exercebat Tarsi quæstionem de Christia-
nis Alexander. **JVLITTA QVIRICVM** filiolum ul-
tro ad tribunal non duxit, sed tulit, puto n'e un-
cum Abrahæ in' hanc rem facinus ostendi generi
humano posset. Alexander in disparem prædam
non eodem affectu graffatus, matrem atrocissimè,
filium blandissimè excepit, haud scias in leoninâ
an vulpinâ pelle nequior. Certè **QVIRICVS** illius
receptus sinu, appetitus osculis, inescatus promis-
sis, nullum, neque plorandi, neque quiritandi fi-
nem fecit; cum **JVLITTA** contrâ pendens in equu-
leo, & taureis consissa, gemitum nullum ederet,
ut propriâ amborum confessione constaret, utrius
conditio esset iniquior. Consumptis lacrimis, im-
bellia etiam arma expedivit triennis heros, &
nuper natos dentes tenerosque unguis strinxit in
adulatorem suum, luctando effecturus, ne mitior
in se, quam in matrem esset. Et potitus est voto
suo; Alexander ad tribunalis gradus victori ani-
mam elisit. Quid mater? nunquam lætiore vultu
suum pignus aspergit, idemque beneficium popo-
scit, ut quam citissimè eum assequeretur. Impe-
travit: laniata unguis, perfusa pice cervicem
fecusi